

靈寶无量度人上品妙經卷之二十四 玄四

神變氣化品

道言昔於太素天中皓景霄虛凌空曜土受  
元始度人神變氣化无量上品

元始天尊當說是經周回十過以召十方始

當詣座天真大神上聖高尊妙行真人無鞅  
數衆乘空而來碧虛扇霞鳳輿瓊輪綠蓋華  
軒流彩降霄八景交輝洞煥太空三日三夜  
諸天玉籙寶光上照玄都宮闕森羅元綱臺  
觀朗然徹見劫仞巍峩飛輪煥赫一國地土

山川林木緬平一等無復高下土皆作瑞玉  
無有異色衆真侍座

元始天尊玄坐空浮神化萬炁寶闕之上說  
經一遍諸天大聖同時稱善是時一國男女  
知道變化悉由神炁乃至天城紫殿碧閣黃

女四

房萬聖千真皆是神變法身氣化真境說經  
二遍金龍吐雲寶臺千柱說經三遍宸霞散  
縷結空成字說經四遍大音輕震甘露敷和  
說經五遍地發寶蓮萬葉凝光說經六遍玉  
京金闕神輝洞虛說經七遍萬神混一出有

入無說經八遍神氣變微秋毫同體說經九  
遍地獄消滅死魂受生說經十遍神變氣化  
洞入太冥是時一國是男是女莫不傾心皆  
受護度咸得長生

道言是時元始天尊說經一遍東方无極无  
量品始陽大神無鞅之衆浮空而至說經二  
遍南方无極无量品炎輝大神无鞅之衆浮  
空而至說經三遍西方无極无量品少陰大  
神无鞅之衆浮空而至說經四遍北方无極  
无量品太一大神无鞅之衆浮空而至說經

五遍東北无極无量品保鎮大神无鞅之衆  
浮空而至說經六遍東南无極无量品通生  
大神无鞅之衆浮空而至說經七遍西南无  
極无量品冲厚大神无鞅之衆浮空而至說  
經八遍西北无極无量品運關大神无鞅之

文四

二

衆浮空而至說經九遍上方无極无量品主  
變大神无鞅之衆浮空而至說經十遍下方  
无極无量品持化大神无鞅之衆浮空而至  
十遍周竟十方无極變化大神一時同至一  
國男女傾心歸仰雖未聞法各悟三界十方

諸天高真乃至宮殿臺觀未有一名不從神  
變氣化而有今觀天尊真王宣真演道聖容  
煒煥光徹諸天无量世界一一國中各有天  
尊真王宣演大法故知神變無窮氣化無極  
我等今身色相根塵動轉音影皆是神變氣  
化所成來者億量無鞅之衆迺國一半土皆  
偏陷非可禁止於是元始示現神氣變化之  
道從玄坐起踴身虛空高齊劫仞在飛雲浮  
景之上去地千丈元始登引天真大神上聖  
高尊妙行真人十方无極變化大神无鞅數

衆俱入浮景之中天人仰看惟見勃勃從虛  
空中入既入空內不知所在國人靡散地還  
平正無復歌陷元始即於飛雲浮景之上說  
經都竟衆真監度以授於我當此之時喜慶  
難言法事粗悉諸天復位條款之間寂無遺

主四

三

響是時天人遇值經法普得濟度全其本年  
無有中傷傾土歸仰咸滅有心極妙極玄極  
洞極真極化極用極變極通極神極靈心悟  
至道合體虛明齊同慈愛異骨成親國安民  
豐欣樂太平經始出教一國以道預有至心

宗奉禮敬皆得度世

道言元始天尊說經中所言並是諸天上帝  
神變氣化內名隱韻之音亦是真王內諱變  
化百靈之隱名也非世之常辭上聖已成真  
人神氣通玄能悉其章誦之十過諸天遙唱  
神氣合應變化倏忽河海山嶽俄爾亡存日  
月璇璣周流隱顯神之所變萬聖齊臨則群  
魔束形鬼精滅爽氣之所化則回屍起死白  
骨成人至學之士誦之十過則神變五帝氣  
化三界魔精喪眼鬼秋滅爽濟度垂死絕而

得生所以爾者學士穢氣未消體未洞真召制十方威未制天政德可伏御地祇束縛魔靈但却死而已不能更生輕誦此章身則被殃供養尊禮門戶興隆世世昌熾與善因緣萬災不干神明護門斯經尊妙獨步玉京度人无量為萬道之宗巍巍大梵德難可勝

道言凡誦是經十過諸天齊到神感氣會變化自然不同起心作諸幻妄神氣混合無道不生億曾萬祖幽魂苦爽皆即受度上昇昧宮格皆九年受化更生得為貴人而好學至

經功滿神變德就氣化皆得神仙飛昇金闕  
遊宴玉京也上學之士修誦是經神氣鍊化  
皆即受度飛昇南宮世人受誦神不去身真  
氣內營則延壽長年後皆得作屍解之道魂  
神暫滅不經地獄即得返形遊行太空此經  
微妙普度無窮一切天人莫不受慶無量之  
福生死蒙惠上天所寶不傳下世至士齋金  
寶效心盟天而傳輕泄漏慢殃及九祖長役  
鬼官侍經五帝玉童玉女各二十四人營衛  
神文保護受經者身

道言正月長齋誦詠是經神變發生氣化敷  
榮內景煥彩玉雲結城爲上世亡魂斷地逮  
役度上南宮七月長齋誦詠是經神變道體  
內景明潔神嬰正位身得神仙諸天書名黃  
籙白簡削死上生十月長齋誦詠是經神變  
深密氣化安寧內景齊仙遊宴玉華爲國土  
帝主安鎮國祚保天長存世世不絕常爲人  
君安鎮其方民稱太平八節之日誦詠是經  
神變順常氣化循經內景調衍金池玉露得  
爲九宮真人本命之日誦詠是經神變九宮

氣化九真混一自然與帝同盟魂神澄正萬  
氣長存不經苦惱身有光明三界侍衛五帝  
司迎萬神朝禮名書上天功滿德就飛昇上  
清

道言行道之日皆當香湯沐浴齋戒入室

女四

五

東向叩齒三十二通上關三十二天心拜

三十二過閉目靜思身坐青紫白三色雲

氣之中內外蒼冥有青龍白虎朱雀玄武

獅子白鶴羅列左右日月照明洞煥室內

項生圓象光映十方次思太空之中洞真

神氣如紫光雲冉冉來覆兆首雲氣彌室  
內有萬神森然如視目中瞳子對兆面前  
次思兆九竅氣出如白煙煙雲右旋纏繞  
兆身象罔之中紫雲白煙亘遍天地良久  
覺見己身肝中有碧玉宮殿中有神人衣

青龍華羽之服口中吹氣成風吹此雲氣  
左回約九九數周乃見空中所存來者萬  
神與兆身中百神合為一身狀如嬰兒繡  
衣錦裳對兆面坐聽兆誦經訖還入兆口  
中上泥丸中畫面向外夜面向內此為神

變氣化之道如此分明密呪曰

无上玄元太上道君召出臣身中三五功曹  
左右官使者侍香玉童傳言玉女五帝直符  
直日香官各三十六人闕啓所言今日吉慶  
長齋清堂修行至經无量度人願所啓上徹  
徑御

无上三十二天元始上帝至尊几前畢

引炁三十二過東向誦經

元始无量度人上品妙經

元始洞玄靈寶本章神變氣化上品回混度  
人百魔隱韻離合自然洞空無形神氣為真  
神非恍惚氣非氤氲是道妙本於空為神太  
空為氣神生萬神氣生萬氣萬神歸一萬氣

女四

六

合一一萬之變神為道機氣為道樞機變樞  
化三界乃生元始祖神變生萬真元始祖氣  
化生諸天開明三景是為天根上無復祖惟  
道為身神變赤書氣化玉文五文開廓普植  
神靈無文不光無文不明無文不立無文不

成無文不度無文不生是為大梵天中之天  
變化生成鬱羅蕭臺玉山上京上極无上大  
羅玉清眇眇劫仞若亡若存三華離便大有  
妙庭金闕玉房森羅淨霄神霄梵炁周回十  
方中有神變氣化之神中有南極長生大帝  
君中有度世司馬大神中有好生韓君丈人  
中有南上司命司錄延壽益算度厄尊神回  
骸起死无量度人今日校錄諸天臨軒

東方无極飛天超玄神王長生大聖无量度  
人

南方无極飛天升炎神王長生大聖无量度

人

西方无極飛天易皓神王長生大聖无量度

人

北方无極飛天生神神王長生大聖无量度

玄四

七

人

東北无極飛天司變神王長生大聖无量度

人

東南无極飛天主化神王長生大聖无量度

人

靈寶無量度人上品妙經

西南无極飛天遷氣神王長生大聖无量度

人

西北无極飛天換質神王長生大聖无量度

人

上方无極飛天至有神王長生大聖无量度

人

下方无極飛天妙無神王長生大聖无量度

人

十方至真飛天神王長生度世无量大神並

乘玉虹萬寶之輿結綠千真遊玄之車泛蓋

旋羽驂駕丹鳳九色真龍建召神攝氣變化  
之節三元回命保生靈旛前詠洞文齊唱後  
吹部曲同音獅子白鶴嘯歌噦噦五老啓途  
群仙翼轅億乘萬騎浮空而來傾光回駕變  
化度人諸天丞相南昌上宮韓司主錄監生  
大神神變天司明令四張氣化神人據位持  
兵執籙把籍齊到帝前百億變化神氣自然  
官府在左刑罰著邊隨所應度嚴校諸天普  
告三界無極神鄉泉曲之府北都羅鄩三官  
九府十二河源上解祖考億劫種親疾除罪

薄落滅惡根不得拘留逼合鬼群元始符命  
時刻昇玄北都寒池部衛形魂制魔保舉度  
品南宮死魂受鍊仙化成人神氣無窮變化  
無終無極神鄉變化所役神氣合空無所無  
容十方皆變一神混同十方皆化一氣普通  
玄四  
變化生身生身受度劫劫長存隨劫輪轉與  
天齊年保度三塗五苦八難超凌三界逍遙  
上清上清之天天帝洞輪無色之境梵行

東方八天

神變九真天

帝梵靈虛泉

角應震生天

帝京繼婁虛

曲真啓元天

帝混竒迎隆

曆陳蒼華天

帝明耀芒

動緣仁宥天

帝閣龍景盈

嶽判紀靈天

帝述蘭棲

翠闕寶輝天

帝飛英預嘉

綠粹秀和天

帝離如祕公

南方八天

薰微炎照天

帝奮運通

陽光混虛天

帝寶主輔元

靈寶度量人上品妙經

南王化闕天

帝部俞慶言

耀景丹靈天

帝祖簡尊猷

朱明景平天

帝伯舉冲幾

安變澤神天

帝曜華奉靈

龍變慶元天

帝廓都良

赤氣定初天

帝平披昌

西方八天

雲極素靈天

帝正寶仙明

正化觀行天

帝時保基常

帝靜順康天

帝滋殊聿光

竺珞道封天

帝崇昇真墟

晶明虎寶天

帝象日回景

思度逸沖天

帝祝郭友

太瑤葆存天

帝道鑒沖升

感羽浩名天

帝極那輪

北方八天

紫度靜明天

帝忱伯次恭

句魂除邪天

帝尾房忌侯

正察高玄儀真天

帝島基錄開

玄符虛轄天

帝密觀赴靈

靈寶无量度人上品妙經

瓊園露神天

帝超玄濟昏

鍾陽溟混天

帝曾微子都

治化政安天

帝寂浩素覺

智洞空九常天

帝本光希先

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈神和氣

合變化上清无量之與深不可詳敷落神真

普度天人今日欣慶受度歷關諸天神變萬

真請滅三惡氣化百靈斬絕地根飛度五戶

名列太玄真王監舉無拘天門東斗運機西  
斗司氣北斗玄樞南斗生神中斗混合總監  
衆靈神變五帝下領天人青帝施仁白帝明  
義赤帝司禮黑帝生智黃帝主信萬神無越  
青神魔王拘魂定華赤神魔王守神立慧白  
神魔王定魄蕩穢黑神魔王溺邪安正黃神  
魔王總監萬氣五神真魔萬靈之宗飛行鼓  
從氣化神兵魔幢持節遊觀太空神變赫奕  
諸天齊功上天度人嚴攝北酆神王受命普  
掃不祥收神攝氣變化飛仙金精吐毒天馬

四張神兵前驅流煙八衝敢有干試拒遏上  
真金錢前戮巨天後刑屠割鬼爽風火無停  
千千截首萬萬翦形魔無干犯鬼無祇精三  
官北鄧明檢鬼營不得容隱金馬驛呈普告  
無窮萬神咸聽三界五帝列言上清

天元洞極生化無窮眇眇億劫混沌之中上  
無復神下無復氣風澤洞虛虛極變玄玄生  
為神神薄氣真氣為神子神為氣母神氣合  
一萬變可取萬變萬化金剛乘天剛風為氣  
風動為神動生知識梵氣為身神變氣化三

界自成陽神爲天陰氣爲泉無極無色泉極  
無淵神氣冥冥地藏爲天天上天下無幽無  
冥無形無影無極無窮神降氣升流精鬱寥  
溟滓大梵遼廓無光赤明開圖運度自然元  
始安鎮敷落五篇赤書玉字八威龍文保制  
劫運神氣長存梵氣彌羅萬範十一開張元網流  
演三十二天輪轉無色周回十方神氣普運  
四達皇皇旋斗歷箕回度五常三十五分總  
氣上元八景冥合氣入玄玄中太皇上帝  
高真亦從神氣變化生成泛景太霞嘯詠洞

章金真朗郁流響雲營玉音攝氣靈風聚煙  
紫虛鬱秀神氣回旋變化陰陽輔翼萬仙千  
和萬合自然成真真中有神神中有氣附景  
纏光返復氣神南極帝宮長生大君無英公  
子白元尊神太一司命桃康合延執符把籙  
保命生根上遊上清出入華房八景之內細  
微之中下鎮人身泥丸絳宮中理五氣混合  
百神十轉回靈萬氣齊仙仙道貴生无量度  
人上開八門飛化神氣往來無窮轉此法輪  
罪福禁戒宿命因緣普受開度死魂生身身

得受生上聞諸天諸天之上各有生門中有  
空洞謠歌之章真王靈篇辭參高真

第一道玄神變飛空之音

無形無名

獨立太空

合混萬神

變化莫窮

萬物咸賴

神運圓通

生天生地

把握洪濛

廓散無邊

視之無蹤

泛然自應

名曰至神

三界仙真

諸天雲宮

神變周流

皆由道身

此道幽祕

得之乃真

歌此冲妙

玄中之天

中有造化

浩劫至神

冥會樞運

幹旋皇極

萬炁長存

保之勿息

第二道玄氣化真王之章

空爲真氣

真氣如空

我其辨之

與道皆同

物得之生

捨之則窮

能生者何

曰氣與神

一切諸天

神仙聖人

乃至六道

諸凶鬼神

天地官府

呼吸屈伸

是皆氣化

無逃此輪

如神守氣

千劫無傾

三界俱壞

我獨長存

九天停運

十四

十二

神升太微

攜盼玉京巔

映日金華西

願參空洞歌

駕龍耕瓊芝

第三神變氣化真王歌曰

俯軾東桑

仰觀連臺

下有長樓

劫海崔嵬

億萬里兮

超遙鑿開

嗟此大道境

攝之方寸規

神變而氣化

妙有相徘徊

控轡玉龍駕

奔雲太清下

無鞅繡衣人

非若世幻假

神變氣化成

千劫忘衰箭

笑爾穀仙輩

區區辨青黃

垂白無所成

咎道爲不祥

自昧神氣元

不知道有方 歌此太上篇 翛然禮真王

此三界之上飛空之中真王歌音音參洞章

誦之百遍名度南宮誦之千遍真王保迎萬

遍道備飛升太空過度三界位登仙公有聞

靈音真王敬形敕制地祇侍衛送迎拔出地

女四

十三

戶五苦八難七祖升遷永離地官魂度朱陵

受鍊更生是謂无量普度無窮有祕上天文

諸天共所崇泄慢墮地獄禍及七祖翁

道言此二章並是諸天上帝及至靈真王隱

祕之音神變氣化杳然難名皆是大梵之言

非世上常辭言無韻麗曲無華宛故謂玄奧  
難可尋詳上天所寶秘於神霄玉清王府東  
藏經室運應壬辰大法當傳若有至人齋金  
寶質心依舊格告盟王府然後而付焉

道言夫神有不變氣有不化則為天地運度  
否終日月五星虧盈至聖神人休否末學之  
夫疾傷凡有此災同氣皆當齊心修齋六時  
行香十遍轉經福德立降消諸不祥无量之  
文普度无窮

道言夫末學道淺或仙品未克運應滅度身

經太陰臨過之時同學至人爲其行香誦經  
十過使神變爲仙氣化爲真以度屍形如法  
魂神徑上南宮隨其學功計日而得更生轉  
輪不惑便得神仙

道言夫神變氣化神氣能變化於物非神氣  
自變化也神氣剛大不可變化變而化之神  
氣使之非變化神氣也神氣不和則不能變  
化與物爲災故曰天地運終星宿錯度日月  
失明四時失度陰陽不調水旱兵災疫毒流  
行兆民死傷師友命過皆當修齋行香誦經

夫齋戒誦經功德甚重上消天災保鎮帝土  
下攘毒害以度兆民生死受賴其福難勝故  
曰无量普度天人

道言凡有是經能為天地帝主兆民行是功  
德有災之日發心修齋燒香誦經十過神氣

變化轉為福祥諸天記名萬神侍衛右別至

玄四

十四

人尅得為真王王府之臣左華記人功過毫  
分無失玉清真王亦保舉爾身得道者乃當  
洞明至言也

八天之大梵隱語无量音

道君譔

元始靈書神變氣化玉篇

東方八天

明廳室寅 宛奏滌滄 阿留梵萌

提覺辭外 演羅丘微 對境平施

加那握溫 毗德佑機 洞洛次禰

原襄資連 陳岡闕夏 曆數惟年

當著逸潛 蒙祺益兼 亟馳賓陀

氣不汝偏

南方八天

秀旨峙滿 偏登球敦 炎井投枚

八道耿英 逸野駢路 崔慈柔賓

太極玄素 尤難檢敵 莽司馳微

表師覽允 康達鈐宜 碧圓漪外

趣仙恭塗 旦昌昭隨 正華玉纂

道戶秘持

西方八天

亥四

十五

參諱投綿 蔚羅大千 妙乙丙族

乾定婁弦 舒騫魔堂 逸變坤玄

文定柳齊 上剛思元 圖靈秘寂

部丹凝宣 略要紀呈 令商自全

邀奎狼都 竟邊晉傳 浪馬未儲

希天怙專

北方八天

龍托燕宮 洞庭烟沖 閣靜化極

列賓慈洪 乘聖逾棘 召倫愷攻

大藏莫莫 歷泉已穹 道度冥瓘

力丁霞容 冀翼房穴 軫迹幾雄

瑞廣靈約 莊地萬鋒 純澤固賢

鄙開策空

道言此諸天中大梵隱語无量之音舊文刻

書蕭臺天樞玉衡之上神變氣化以正萬天  
无極世界三元真皇莫不由其道知而鍊之  
神氣永留大劫成壞小劫生死皆爲之解顏  
傲視之也字皆廣長一丈天真皇人昔書其  
文以爲正音有知其音能齋而誦之者神府  
皆遣飛仙天人下觀其身書其功勤上奏諸  
天萬神朝禮地祇侍門大勳真王保舉神霄  
道備尅得遊行三界昇入金門此音无所不  
辟無所不禳無所不度無所不成天真自然  
之音也故誦之致飛仙下觀上帝遙唱萬神

朝禮三界侍軒群袂束首鬼精自亡琳琅振  
響十方肅清河海靜默山嶽吞煙萬靈振伏  
招集群仙天無氛穢地無袂塵冥慧洞清大  
量玄玄也

元始元量度人上品妙經卷之二十四

十二第四十二卷

---

---